

李慈铭《越风校语》

张桂丽

《越风》乃越中地方诗歌总集,清商盘编选,收录顺治至乾隆时越中诗人之作品。笔者有幸在上海图书馆看到抄本《越风校语》二十餘页,上海图书馆馆员告知,该馆于文革期间曾入藏《越风》一部,有李慈铭印记及其批语,后书复归原主,为保存文献资料,归还前顾廷龙先生嘱人过录其中批语,乃成抄本《越风校语》。李慈铭于《越风》之选家小传、著作仕履、姓氏里籍等据其所知予以补阙,可为后之考订文献者所徵。其补多未注明出处,主要是眉批,偶有篇后跋语。

国家图书馆亦藏有李慈铭手批《越风》一部,嘉庆十六年徐兆重修本。批语止于第二十一卷,计三千餘字,内容与《越风校语》稍有出入,谢冬荣先生已作辑录。何以会有两部内容大致相同的李慈铭批注《越风》,具体原因尚难马上判定。

笔者据上海图书馆所藏抄本辑录李慈铭《越风校语》如次,录文仅改其手误之字,余则一仍其旧。国图所藏有该批语及内容互有异同之处亦予以标注。

卷首

徐兆序

按,质园此选意揣于诗,故所系小传,虽或间及逸事,而于著作、仕履多不暇详。然后之考文献者,不能无恨。拟仿元遗山《中州诗集》例,即可信、可知者,逐一补之。故慈撮其大略眉书之。癸亥春,柯山子李慈铭识。

蒋士铨序

此序前半论武林、会稽之别,非深于越者不能。乃生长烟霞中者,远出四千里,汨汨京华尘埃间,自顾岂犹是人类耶。壬戌仲冬,霞川华隐生李慈铭越缙识。^①

目录卷十五

壬戌冬购置是集,慨故乡已沦于烽火,穷子离家,倍切思亲之念。缘得越籍图书,稍可寻玩,聊慰魂梦。因情怀切迫,不暇审择,诂点读至十五卷,

^①国图所藏李慈铭《越风》批语有此条。

后烂版既多,不堪著手,兼参杂误订,又多缺漏,不禁掩卷三叹。凡选家小传、著作仕履、姓氏里籍,能忆记者为之填楚,庶考文献者有所证。今函致越中同好亲友,访觅初印完集一部,以谋醵资重刷,庶几麟角凤毛,风雅不致随劫湮没也。癸亥春,越缙生李慈铭识记。

目录卷三十

右《越风》三十卷。弱冠之岁,于此书用力甚勤,卷必有记,篇必有评,字必有点。箸船篮轿,每以自随。平生得诗法之正,实繇于此。庚戌之后,束架不观。癸丑与乡人结诗社,中有才而无实行者,好大言土苴先民,发论辄揶揄,如不欲闻。予每规之曰:越人固无以诗名大家者,然或远承秦公绪、吴之光,则深秀工整;或近接杨老铁、徐青藤,则惊艳诡淑;渊源递传,桀难斯土;而南宋有放翁,国朝有质园,六百年间先后杰出者,皆足名家。是集为质园心力所萃,不特甄庞裁伪,诗教有功,抑且徵献考文,典型可溯,不宜妄下雌黄,轻为月旦者也。己未入都,留此书于家。去岁越郡陷没,西郭李氏之宅,无一存者,插架之物,尽为劫灰。今冬闻闾厂市,先得杜禾子孝廉《越中金石志》,既得《祁忠惠公集》(集中有《越中名园记》)及李蘧斋《越中名胜赋》,又得是书。于是故乡风俗,稍可寻玩,而沧桑之感,悲来无端,不啻洛阳老人摩挲铜狄矣。徽国威灵,粉榆速归,复装故篋,载以俱还。奉母之余,有闲居一集,附此以传,斯为幸耳。同治元年壬戌十一月廿一日,柯山子李慈铭识于都门青厂相国邸中。^①

卷一

黄宗羲

慈铭案,先生为明诸生,鲁监国时,由兵部职方主事历官至左副都御史。后从海上归绍兴,兴举证人书院,讲学于戴山。康熙中诏徵博学鸿儒,又徵修《明史》,皆不赴。所著有《学象数论》六卷、《授书随笔》一卷、《春秋日食历》一卷、《律吕新义》二卷、《孟子诗说》四卷、《宋史补遗》三卷、《明史案》二百四十卷、《明儒学案》六十二卷、《行朝录》三卷、《四明山寨纪》一卷、《日本乞师纪》一卷、《沙定州记乱》一卷、《赐姓本末》一卷、《汰存录》一卷、《授时历故》一卷、《大统历推法》一卷、《授时历假如》一卷、《西历回历假如》各一卷、《南雷文案》十卷、《外集》一卷、《南雷文定》五集(晚年又定为《南雷文约》)共四十卷、《明夷待访录》二卷、《留书》一卷、《思旧录》二卷、《明文海》四百八十二卷,又辑《宋儒学案》、《元儒学案》、《续宋文鉴》、《续元文鉴》,未成而卒。又著《今水经》二卷、《四明山志》、《台岩游纪》、《匡庐游录》、《姚江文略》、《姚江琐事》、《补唐人诗传》、《病榻随笔》、《黄氏宗谱》、《黄氏表制》及自著年谱共若干卷。

^①国图所藏李慈铭《越风》批语有此条。

按,质园此选意揣于诗,故所系小传,虽或间及逸事,而于著作仕履多不暇详。然后之考文献者,不能无恨。拟仿元遗山《中州诗集》例,可信、可知者逐一补之。而梨洲先生尤为我朝大儒之冠,不仅有光乡郡,因据全绍衣《鲒埼亭集》,参以毛氏《西河》等集,首撮其大略于此。

读《梨洲先生年谱》,生于明万历卅八年庚戌八月八日,卒于国朝康熙卅四年乙亥七月三日,享寿八十有六,葬越化安山。读先生《末命篇》,易簀后用被褥各一,安放石床圻中,焚香熏沐,不用棺槨,云达识之见,早为化蛻,与山名相切合耳。^①

胡兆龙

慈铭案,予袞官至吏部侍郎,加太子少保、礼部尚书衔。其子介祉,字存仁,号循斋,康熙间官湖北佥事道。作乐府六十首,皆咏明季事,起于信王至,纪庄烈帝之入立也,终于钟山树,纪国朝防护明陵也。每首各有小序,注其本末。时《明史》尚未成,故自谓就传闻逸事,取其有关治乱得失者谱之。因关世故,特为附及。^②

张岱

慈铭案,陶庵为明谕德文恭公元忭曾孙。著有《石匱遗书》十卷、《史阙》二十卷、《鵲舌啼血录》、《西湖梦寻录》、《陶庵梦忆录》及《琅嬛集》诗文若干卷。又辑前辈逸事《越中三不朽图赞》、《快园道古》若干卷。^③

王雨谦

慈铭案,白岳晚岁披缁,与董无休、赵禹功等共逃禅所,所谓“云门十弟子”是也。

曾益

慈铭案,鹤冈善画大梅,为人古道,寿近百龄。夫人王氏,亦善花卉竹石。

董珏

慈铭案,先生晚岁披缁,盖有托而逃,古之伤心人也。^④

余缙

慈铭案,《大观堂集》中有《请严禁畜优人疏》^⑤,云绍兴停云、玉兰等班戏子,倚冒浙江提标名色。停云班正旦吴仲云,强迫绕门山郑起龙之弟妇为婚。本妇矢志不从,毁面截发,赴水几死,仍行强娶,莫敢谁何。停云班金生,于屠承宇之女业许士人,挟党逼成亲。女父喊禀,知府夏霖拘审。众

①国图所藏李慈铭《越风》批语有此条,但无“读《梨洲先生年谱》”至末尾部分文字。

②国图所藏李慈铭《越风》批语有此条,但无“其子介祉”至末尾部分文字。

③国图所藏李慈铭《越风》批语有此条。

④国图所藏李慈铭《越风》批语有此条。

⑤《大观堂文集》,清余缙著,康熙刻本。卷二有《恭请严禁畜优疏》,有“如臣乡浙东绍兴府有停云、玉兰等班戏子,倚昌提标营势……虽道远未经确查姓名,而恶焰如此,使不早为禁戢,则败俗伤风,厉民害政,宁有底止乎”。与李慈铭所引用文字并不对应。

优将屠氏从府门簇拥拉抱而去，并将夏守辱骂不堪。玉兰班周生，强占尉德华之女。又杨裁缝妻鲍氏，小生朱仁甫强夺为妾，本妇愤恚跃入河中，仍捞起奸占。又有周旦，原系乐户，浙俗谓之丐户，其种类卑贱，良民不齿，今亦冒充戏子，图娶良家妇女。此等凭籍提标威势，为害地方，无所顾忌，若不严行惩禁，为患匪轻。请旨严飭该提标，申明约束，将诸优从重治罪，并永禁畜养优人云云。不特见侍御之情深桑梓，亦足知尔时越帅之为虐矣。^①

祁理孙

慈铭案，公即世所称“五公子”，唐王时荫授中书舍人。其诗鲜存者，魏雪窦尝言“奕庆作画之外，惟焚香誓佛。向作诗千馀首，悉毁弃之，不欲堕文士习”，盖其志可见。近人沈复灿霞西收得雪窦诗。今《诗萃》中载公诗四首，此集所选外，有《喜金大来归自娄东》五古一章，皆老成可传。《蹴鞠行》五古一章，朱竹垞《曝书亭集》中有与公《梅市对雨分韵》、《段桥玩月分韵》各一首，惜皆不载公作。慈尝见一书，载公后官监军佥事道，盖鲁王在海外时所授。而吏科给事中文载先生熊佳撰《忠惠公行实》及《祁氏家谱》，俱仅称“荫中书科中书舍人”。今公墓表题“明奉正大夫”，其像亦绯衣，则佥事之授，似非无据。俟再详考。沈霞西又言收得公所撰《虎角庵记》数帙，楷法精正云。六世外孙李慈铭谨识。^②

卷二

姚启圣

慈铭案，公系辽东汉军籍，中癸卯汉军解试第一。见《八旗通志》。^③

倪会鼎

慈铭案，先生为戴山高弟，唐王时授中书舍人，又召为职方司主事，皆不赴。人称无功先生。^④

吕章成

慈铭案，先生《千字文》，顾亭林为之序。又按《余姚县志》云，先生与陈函辉、张明弼等为意气交。函辉从事监国事，荐先生为翰林待诏，先生知越事不可为，辞不赴。晚岁名其藏书之室曰“予集于蓼，谁为茶苦”者。病中自毁其著述，曰此无用之虚证也。所存《浴日楼集》八卷、《秋崖词》。^⑤

卷三

毛奇龄

慈铭案，先生诗文之余，作梅及麻姑，自得天趣，意到笔随。卒年九十四。

①国图所藏李慈铭《越风》批语有此条。

②国图所藏李慈铭《越风》批语有此条。

③国图所藏李慈铭《越风》批语有此条。

④国图所藏李慈铭《越风》批语有此条。

⑤国图所藏李慈铭《越风》批语有此条。

罗坤

慈铭案，宏载著《平山图集》。精篆刻，偶作竹木奇石，法老莲陈子。

朱士稚

慈铭案，郎诣为明大学士赓曾孙，雅负奇志，早入复社中，有盛名。^①

祁鸿孙

慈铭案，奕远为忠惠公从子。监国时尝募兵卒扼江，师溃遁去。^②

卷四

吴兴祚

慈铭案，留村亦辽东汉军籍。^③

钱霍

慈铭案，荆山与祁六公子奕喜、慈溪魏山人耕，称“越中三才子”，有合刻《越三才子诗》。^④

金镇

慈铭案，长真以循吏名。守河南汝宁时，曾刻有《何大复集》，邵子湘为之序。^⑤

祁曜征

慈铭案，先生为五公子奕庆之子。^⑥

吴棠桢

慈铭案，伯憩暴卒于壬申冬，其时宋长白、刘存白往视含殓，刘以爱女许其嗣子。伯憩艳词擅名当世，然其诗实有出于正宗者。《松风集》授梓未半，遂赴玉楼，梨枣不可问矣。又有《岭南游草》一帙在宋处，共谋剞劂。其馀遗稿，长白致书于何晴山，谋为剞劂行世，而机缘不偶，另落为多，且有公然舛篋以作欺世盗名，实为士林羞恶。

卷五

陈至言

慈铭案，山堂为梨洲高弟。^⑦

周炳曾

慈铭案，子固增注王十朋《会稽三赋》并序文。

①国图所藏李慈铭《越风》批语有此条。

②国图所藏李慈铭《越风》批语有此条。

③国图所藏李慈铭《越风》批语有此条。

④国图所藏李慈铭《越风》批语有此条。

⑤国图所藏李慈铭《越风》批语有此条。

⑥国图所藏李慈铭《越风》批语有此条。

⑦国图所藏李慈铭《越风》批语有此条。

许尚质

慈铭案,《酿川集》中诸文,多明末忠节黎献之事。^①

卷六

姜廷梧

慈铭案,先生为祁忠敏公之婿。夫人祁孜英,工吟咏,先生歿后三年,夫人仍缟素。子芭貽泣请易服,不许,俟成名则易之。芭貽登康熙癸酉贤书,复请,乃易之。毛西河有夫人易服之记。

卷七

傅王露

慈铭案。先生尝修《西湖志》及《广东通志》。乾隆丙辰荐举鸿博,部议不准。^②

何嘉珩

查本卷目次,无何嘉珩一家。

章大来

慈铭案,先生又号药夫。尝自有句云:“谁能骨与诗俱焚,老号江东一药夫。”

章琦

慈铭案,湘维系懿园叔子,前明巨儒南洲五世孙也。湘维往来京师,凡有所作者,与予先六世祖天山府君尝参订焉。惜未睹全豹。

胡浚

慈铭案,先生以事去官。乾隆丙辰荐举鸿博,部议不许。著有《绿梦山庄骈文集》者,自为之注,极其详密。^③

卷八

章鍾

慈铭案,华甫系懿园叔子,为前明巨儒南洲公五世孙也。昆玉行四,伯人则,仲镶玮,季月似,皆以经济文章卓越。皆著集,选入本《风》。懿园前辈与予先六世祖天山府君深于交契,复联晋秦。府君与懿园父子游名山联诗,诗酒无虚日。华甫所著《鹤泉诗选》,府君为之序;府君有《鉴湖垂钓图》小影,自撰图序,长洲汪退谷先生为之题咏,华甫亦有诗八绝题于图内,惜乎图已劫灰。其文已刊入上虞王氏《天香楼法帖》中。宝意太守屡来求稿,因府君自壬辰成进士后,任武英殿纂修期满,著述等身,知江西安仁县,舟经洪泽,稿全歿,故未辑入本《风》。后从书贾中得府君诗稿两册,杜之庄为之序,方谋剞劂,洪杨劫至,稿亦随之沦歿不传矣。因与章氏大来、

①国图所藏李慈铭《越风》批语有此条。

②国图所藏李慈铭《越风》批语有此条。

③国图所藏李慈铭《越风》批语有此条。

刘氏戒谋同为“西园十子”，首创诗巢，因缘文字相关，故附记之。

翁运标

慈铭案，吴江翁广平《余姚两孝子万里寻亲记》言，大环公名瀛，邑诸生，笃学穷理，乡里称醇儒。赴粤西，经湖南永洲，溺水死。时二子运槐、运标皆幼。及运槐年十三，携一老仆往寻，至柳州病归。至雍正乙巳，运标已成进士，归二年矣，遂不告家人，兄弟径出，遍历楚粤之境。丁未八月，始得父瘞所于永洲白沙洲。同县邵宏杰、邬希文皆为之记，而太仓李祖惠、秀水张庚皆为之作传。^①

杨宾

慈铭案，姜西溟《湛园集》有《文学杨君安城墓志》。^②

卷九

邵廷采

慈铭案，先生字允斯。祖曾可，字鲁公，为王阳明三传弟子。先生幼禀祖学，故号念鲁。著有《思复堂文集》二十卷，多载越中文献，尤详于儒先贤传授及明季忠臣。又考讲学始末，作《姚江书院志》四卷。从黄氏梨洲问监国海外逸事，作《东南纪事》及《西南纪事》二书。少作《观心录》，以梨洲言无实者弗为，遂毁之。又撰《明史论》百篇。先生之学，幼师韩孔当仁父，仁父与先生祖鲁公皆沈国模求如高弟子也，先生因得问业于求如，以上溯钱氏绪山，接玄学之正传。又从梨洲问乾凿度、算法，从董无休受阵图。此皆据朱学士筠撰先生墓表，学士得之先生族孙二云氏晋涵及门人章实斋先生学诚，未尝言受业毛西河也。而《西河集》中乃以与陆邦烈、盛唐、王锡、章大来、李恭等并列高弟。鄞全榭山最恶西河，遂并先生痛诋之为学究。嘻，可怪也。阮文达撰《国史儒林传》，亦以先生为西河弟子，附《西河传》中。^③

卷十

周长发

慈铭案，国朝越人之直入上书房者，自公于乾隆十三年官翰林院侍讲学始。廿年，以侍读学士再入。公之词章宿称陵品，著闻于时。

童华

慈铭案，太守年十六补诸生，为高安朱文端公所知，荐修《律例》。书成，命以知县往直隶查赈。补平山县，擢正定府，权按察使。怡贤亲王奏理京南水利营田，先后得田三百五十顷。移知苏州府，尤著惠政。越三年，命往陕西，经略鄂文端檄办九家窑屯政，穿直渠，溉屯田四千餘顷，民即屯所起祠。旋署肃州府，次年病免。乾隆元年，起知福州府，政漳州府，旋罢官

①国图所藏李慈铭《越风》批语有此条。

②国图所藏李慈铭《越风》批语有此条。

③国图所藏李慈铭《越风》批语有此条。

卒。著有《请田太湖滨议》一卷、《橐它经》一卷、《九家密屯工记》一卷、《铜政条约》一卷、《长岐纪闻》一卷、《忠臣传》六卷，诗文、乐府共九卷。其守苏时，吴人称为“况公再世”，见华亭沈大成《学福斋集·前苏州府知府童公传》。

卷十一

吴江

慈铭案，查吴江有选无诗，不知遗落几叶。

邵以发

查邵以发系选在五卷之末，何以入此？审读板片系补刻，主其事胸无目次，故致参差杂出。

张炯曙

查本《风》目次，无张炯曙之名，不知从何搬拾。

卷十二

陈梓

慈铭案，一斋别号古铭。著《九九乐府》。予曾见亲笔写本，书追晋唐。

叶驥

阅此叶系十一卷终叶，误订入十二卷。查十二卷少陈古铭一家，选诗二叶，有题无诗也。癸亥春，湖塘林馆越缙读记。

卷十三

邬希文

慈铭案，字亦范，又号松岩，有倪高士风。

陈荣杰

慈铭案，无波又号慕陵，著有《慕陵文集》四卷、《慕陵诗稿》四卷、《候虫集》八卷、《集唐诗》八卷、《梦香词》二卷，惜皆未刊。《慕陵诗稿》，孙星衍、吴锡麒、阮芸台、梁同书、钱大昕已为之序传。

卷十四

余文仪

慈铭案，叔子后官至刑部尚书。^①

王任湖

慈铭案，号具区，擅山水，攻大痴。

徐垣

字紫庭，号芷汀，大兴籍，山阴人。乾隆己未进士，由庶常改授主事，历官贵州布政使。

王翰

慈铭案，霖臣又号五峰。善泼墨，山水法梅道人。

^①国图所藏李慈铭《越风》批语有此条。

卷十五

傅调梅

调梅字郁文，号补堂，会稽人。明经。著有《绣墨轩集》。

周绍鎔

绍鎔字畏宏，号舫轩，山阴人。诸生。著有《舫轩诗选》。

卷十六

卢文弨

慈铭案，公于乾隆廿二年以编修直入上书房，国朝越人入上书房者，自公第二人。公以考订校雠著闻于时，濠湖陈氏有公手校殿本《十三经》、《二十四史》、马氏《绎史》，皆人间至宝。今故乡沦于烽火，不知此书尚能无恙乎，抑随浩劫沈亡也。

卷十六末

查此卷遗落冯惟嵩一家，少二叶半。按冯惟嵩字英山，又字墨耕，会稽人，太学生，著有《话思草》。墨耕幼耽吟咏，壮游晋豫，与茅少菊唱和，名章隽句，至今脍炙大梁。中岁归里，与王半村、孙雨田联吟社，墨兵酒垒，殆无虚日。本《风》所选凡七题，另纸钞存，以全完璧，而备后之考文献者之助。癸亥，越缦李慈铭读记。

卷十七

金士芳

慈铭案，南湖系杏村先生次子，即书岩从弟。杏村骚坛名宿，藏书甚富，著有《问心堂诗钞》。书岩著有《雪鸿剩草》、《今我草》等集。南湖著有《菊园时艺》、《菊园诗钞》、《听莺楼传奇》。惟连蹇棘闱，苦读致疾。键户不闻世事，以诗词自娱，勤事东篱，志承五柳，越中端雅士也。

卷十八

茅逸

慈铭案，先生擅画梅，其时称越中“画梅三杰”者，刘凤冈、童二树、茅少菊是也。二如爱刘茂诗文，欲谋合刻之。

卷十八末

按此卷遗落赵丙棫一家，少一叶。慈铭检记。

卷十九

王安民

字景蕙，号念亭。

叶心传

字孚九，号古存，山阴人。诸生。著有《镜湖诗钞》。

卷二十

童钰

二如又著《画梅歌》百首。

卷二十末

查卷目，凡选者共十家。与目对核，此卷遗落何欲仁、沈烈。癸亥春，柯山子李慈铭检记。

卷二十一

吴寿昌

慈铭案，先生又号蓉塘，复中己丑进士，官至侍讲。著《蓉塘诗文集》、《虚白斋细吟草》。乾隆四十九年，以编修直入上书房。^①

唐廷楷

慈铭案，琴岩擅制琴，故自号琴岩居士。学画于钱塘孙志皋，有出蓝之誉。画败荷芦苇尤工。昔边寿民以雁名，墨中渗胶，黯澹少致，琴岩墨光秀润，生趣勃然。一时文人手持素笺，多出其笔。喜饮，每举杯长吟，诗成辄醉。家故丰，日坐小楼，围以花竹，作画吟诗，清幽高雅，备及一身。惜妻悍，诟谇交谪，不绝于耳，因游齐鲁燕赵。越数年反，已为妻子荡尽无遗，昔琴樽花竹，亦化乌有。愤郁而卒。琴岩里居于郡城西光坊，与予家比邻，为百年邻，旧镜香楼即在文宗第宅内。

卷二十二

陈汝泰

号超亭。

童凤三

慈铭案，梧冈先生官至吏部侍郎，乾隆卅七年以编修直入上书房。五十六年，以鸿胪寺卿再入。工于词章，著闻于时。

李寿朋

慈铭案，淑菀著《越中名胜赋》一卷，博采探摛，传诵一时。王爽湖、沈归愚为之序，蒋定甫、刘豹君、吴泰交、姚湘林、宗介帆、陈少白、童二树、陶效川等二十八宿为之评。

姚亢宗

慈铭案，绡林著有《鸿雪诗钞》，道光十九年刊印，杨吉原为之序。

卷二十四

孙钹

孙钹字南州，号云浦，山阴人。乾隆乙酉举人。著有《云浦诗钞》。

卷末

此后遗落陈继泉一家，缺少一二叶。癸亥春，圣解龢主越缦检记。

卷二十六

刘传录

字若莲，号剑庵。

^①国图所藏李慈铭《越风》批语有此条，为“蓉塘复中己丑进士，官至侍讲，著有《蓉塘诗文集》。”

傅珏

慈铭案，石铸工画马草虫。

许鏞

慈铭案，先生祖父皆以诗名，学承庭训，作诗清婉。善墨，竹师道升，兰叶师所南，脱去时习，秀骨天成。摩青藤尺幅书画，逼肖乱真。能鉴别金石。书工篆隶真草。性嗜酒，家贫不能继，每以古纸摩青藤书画质金，可供旬酣。晚年弃儒入释，号兰叶头陀，与同门参画兰竹，终日坐蒲团论禅理。

卷二十六末

查此卷遗落周中规一家，少一叶。越圻记。

卷二十九

商景徽

夫人女公子徐昭华，擅林下风，颇承母仪，闺阁杏坛，为时所羨。

王端淑

端淑夫人父思任先生，入越三不朽文学门。万历乙未进士，历礼部右侍郎。少年狂放，以谗浪忤人，所至贬官。诗文之外，画仿米家数点、云林一抹。夫人学承庭训，博学工诗，善书画。顺治中欲援曹大家故事，延入禁中教授，力辞不赴。卒年八十餘。

徐昭华

夫人字伊壁，号兰痴。画类管夫人，又工画蝶。书法逸少。著《徐都讲诗》一卷，附刻《西河集》。夫人母氏商嗣音夫人，善吟咏，著集辑入本《风》。

刘淑慧

夫人女公子曹湘芝，慕班氏，有林下风，亦著《慕班集》。

卷三十

释正崧

慈铭案，上人号菽庵，又号满渔，别号南屏隐叟。俗姓徐，名继恩，感时为僧。又主常熟三峰方丈。山水师元四大家。工诗词。又著《屏山集》。

释碧云

慈铭案，上人又字云壁，山阴人。山水得云林笔意。尝游蕺山刘氏之门，丙戌后，高节隐于缙，卖画以活，人称壁林高士。讲学礪山，生徒称盛。

释宏修

慈铭案，上人善山水，宗云林、仲圭，为时所称。

释元宏

慈铭案，上人吟咏外，善画人物。

作者单位：复旦大学古籍所